




痧脹玉衡書

四

武  
573  
4



門 武 日  
579  
卷 4

說文字母集解

井上斐庵先生著 全六冊

夫說文書八字書ノ祖ニシテ五百四十字ヲモツテ字母トス字ヲ學ニト  
欲スル者先畫字母ノ義ヲ明ラカニシテコレ依テ附文ヲ見ルトキハ本  
末淆乱セス制字ノ主意ヲ得止近レ受ニ井上斐庵先生ハ廣ク六書ノ  
學ニ通シ諸書ヲ考索シテモツテ此書ヲアスレ籀篆隸楷ノ同異ハ  
得失ヲ明ラメ安カラシメ經史子集ノ聲音訓義ヲ正シ其師ノ傳ヲ  
接キ敢テ自家ノ意ヲ加ヘズレテ六書ノ溢奧ヲ開示シクレハ字ヲ學ハニ  
君子必一見シタマヘカシ  
三糸通柳馬場東角  
尚書堂主人謹誌  
京師書肆



痧脹玉衡書卷之下

橋李郭志邃右陶著

霍亂痧

痛而不吐瀉者各乾霍亂毒入血分宜放痧新食宜  
吐久食宜消食消下結宜攻痛而吐瀉者毒入氣分  
宜刮痧不愈視有痧筋則放宜調其陰陽之氣爲主  
須知腸胃食積宜驅不安止止則益痛若吐瀉而後  
痛者此因瀉糞穢氣所觸治宜畧用藿香冷飲正氣  
然必須防食積血滯或消或攻或活血山藥茯苓不

長三行書

卷下

一

可亂施燥濕之劑俱在所禁溫煖之藥未可亂投

治驗

一沈篆玉九月間乾霍亂腹中盤腸大痛放痧三十餘針又王君先為之刮痧不愈余用寶花散加大黃丸清茶稍冷飲之而痊

一彭君明晚間腹中大痛吐瀉數十次痛益甚延余診之左脈芤而滑右脈弦細而澀此宿食已從吐瀉而盡乃毒入血分血瘀作痛也放痧不愈用獨活紅花湯圓紅散微溫飲之吐瀉腹痛少愈次

日服前藥吐瀉腹痛俱已

一童敬橋內室吐瀉腹痛自刮痧服陰陽水痛益甚余用三香丸微冷飲之而安

絞痛痧

心腹絞絞大痛或如板硬或如繩轉或如筋吊或如錐觸或如刀割痛極難忍輕者亦微微絞痛脹悶非常放痧可愈若不愈必審脈症何因辨暑穢食積痰血所阻施治須連進數服俟其少安方可漸為調理此症世多放痧數次不愈聽命於天不肯服藥遂至

痧毒攻壞臟腑惟死而已惜哉

治驗

一廉齋朱先生夫人夏日痧痛危急刮痧放痧不愈更易三醫莫敢任事舉家無措宋臣王兄邀余往視六脈微伏治之未愈其晚絞痛如前明晨賢郎宗伊兄復邀余右手脈伏更放痧三十三針兼刮痧訖用寶花散沉香丸清茶稍冷飲之併用散痧解毒活血順氣之劑親友尚恐無效留余俟飯後用若雲夏王兄曰睡矣何如余曰睡則神情已

定氣血新和始將安越翼日乃瘳

一賈公清作瀉腹痛如繩絞延余脈洪大數實放痧不愈用烏藥順氣湯加大黃下積而痊

一故友麓庵朱兄夫人公範母也口吐痰涎腹中絞痛醫治沉重六日不愈延余診之左脈微伏余曰痧也令刮之少安用藥不服次日復昏沉大痛舉家驚惶親戚填門復延余刺左中指一針出毒血兼令刮痧不愈用降香桃花散衝砂仁湯微冷送下併用防風散痧湯加山荳根茜草丹參金銀

花山查葡萄子稍冷服而安。

一何君雅子正月盤腸絞痛延余脈伏令刮痧用沉香鬱金散稜木湯冷飲之稍愈黃昏時復絞痛非常叫喊不已復邀余用細辛大黃丸清茶微冷飲之又用紫朴湯而痊。

脇痛痧

痧症不忌食物痧毒裹食結成痧塊於脇而痛其痧塊變症甚多故為難治且治痧惟在初發若不識或飲熱湯毒血凝結即慢痧不至脹急傷人亦成脇痛。

痧之日久勢必難散。

治驗

一朱子佩夫人身熱吐痰脇痛飲圓湯益喘嘔不已延余左脈洪數右脈似伏余曰痧也子佩刺其腿灣痧筋二針不愈服童便喘嘔稍減余用阿魏丸大黃丸白湯微冷下身熱吐痰俱已又用必勝湯微冷下三服而痊。

一王養初子佩母舅也吐痰脇痛悞吃圓肉放痧數次日久不愈延余診之余辭不治以痧毒裹圓。

結成痧塊不可解耳况日久攻壞臟腑雖藥無益  
後易數醫變喉旁發腫而歿

痧痢

夏傷於暑秋必瘧痢痢疾初發必先泄瀉腸胃泄瀉  
必致空虛內虛則易感觸穢惡之氣即成痧痛或天  
氣炎熱時行疫癘感動腸胃因積而發亦致痧痛夫  
痢不兼痧積去之後便可得痊即甚凶極藥無不效  
若一兼痧勢必絞痛異常止治其痢用藥無效或變  
痢如猪肝色或變痢如屋漏水或變痢惟血紅水或

變噤口不食嘔噦凶危或變休息久痢歲月綿延常  
苦痢患余惟先治其痧兼治其積則痧消而積易去  
積去而痧可清凡遇痢疾如此治之無不奏功誠為  
良法

治驗

一曾奉先七月間發熱下痢血水日百餘次肛門  
急迫腹痛異常嘔噦不食延余治之六脈遲數不  
常或時歇指此痧痢也刮痧放痧訖痛乃減半用  
沉香阿魏丸砂仁湯稍冷飲之用當歸山查紅花

枳實赤芍澤蘭青皮荀子枳榔各一錢熟大黃五分加童便一鍾稍冷飲一服痢下赤白甚多諸症俱愈

一余弟驥武下赤白痢日數十餘次腹中大痛大便窘迫余診之六脈微細放痧二十針又刮痧不愈用寶花散沉香阿魏丸稍冷湯飲之腹痛漸寧用當歸山查陳皮枳榔紅花烏藥各一錢熟大黃八分加童便飲之赤白俱下痛亦漸安後用當歸一兩山查二錢服之赤白痢全愈

一奚仲嘉內室腹中絞痛喘急氣逆余診六脈無根此痧脈也放痧不愈用沉香阿魏丸砂仁煎湯稍冷飲之痛遂止次日小腹痛頻下痢赤白用當歸金銀花青皮陳皮烏藥山查荀子加童便稍冷飲之漸希用當歸一兩服四劑而愈

一吳瑞雲發熱脹悶沉重放痧後痢下紫血他醫以痧氣已清但治其痢勢在危篤舉家驚惶延余六脈洪大不勻此痧氣未清痧毒尚盛也令刮痧訖用當歸枳殼湯入童便冷飲之次以蘇木紅花

五靈脂茜草烏藥香附當歸赤芍以導其痧乃安  
後發餘毒於肛門邊出膿而愈

蛔結痧

痧毒攻胃故蛔死入於大腸與宿糞相結腹中大痛  
是為蛔結

治驗

一朱子佩女痧發痛極頭汗如雨延余診之脈芤  
而洪實放痧不出刮痧不起用細辛大黃丸微冷  
服又用荆芥銀花湯稍冷服又三日痧筋乃現放

之服藥如前腹痛不止至十九日日用藥加大黃  
大便下死蛔三條結糞亦下痛尤不止又現痧筋  
放之服前藥乃愈

頭痛痧

痧毒中於臟腑之氣閉塞不通上攻三陽巔頂故痛  
入腦髓發暈沉重不省人事名真頭痛朝發夕死夕  
發旦死急刺破巔頂出毒血以泄其氣藥惟破其毒  
氣清其臟腑為主痧毒中於臟腑之血壅痧不流上  
衝三陽頭面肌肉故肌肉腫脹目閉耳塞心胸煩悶



癰疽王衛書  
急刺破巔頂及諸青筋出毒血藥宜清其血分破其  
壅阻為要

治驗

一 張顯如頭痛發暈沉重六脈俱伏刺巔頂一針  
餘痧筋俱刺少甦復診其脈沉寔而上魚際用清  
氣化痰飲冷服而安  
一 汪路真內室頭面紅腫發熱頭痛心胸迷悶診  
脈芤而疾刺左腿灣三針血流如注冷服紅花膏  
子半盃用蒲黃飲三劑而痊

心痛痧

痧毒衝心屬之於氣則時痛時止痰涎壅盛昏迷煩  
悶此其候也治宜刺手臂服順氣之劑為主痧毒攻  
心屬之於血則大痛不已昏沉不醒此其候也治宜  
刺腿灣服活血之劑為主遲則難救

治驗

一 鄭延且次子心中暴痛口吐痰涎迷悶不能出  
聲延余兩寸沉而伏關尺洪而緊刺痧筋二十針  
用烏藥順氣湯冷飲四劑而安

一嚴瑞宇三女。飯時心中暴痛昏沉不醒。日暮延  
余六脈已絕。辭之。次日而殂。

腰痛痧

痧毒入腎則腰痛不能俯仰。若快飲熱湯熱酒必然  
煩躁昏迷。手足攣搐。舌短耳聾。垂斃而已。

治驗

一黃敬宇內室。腰中大痛強硬如板。快飲熱酒發  
熱煩躁昏沉。痰湧延余。左尺虛微。右尺洪實。脈兼  
歇。指痧中於腎也。刺腿灣痧筋。僅有紫黑血點不

流。用降香桃花散微冷服。痧筋腿灣復現。刺二針。  
血流如注。又服一散。痧退痛減。調理而痊。

一伍恒生子。腰痛放痧四次不痊。沉重大痛連及  
胸脇。延余。左手無脈。辭之。六日而殂。

小腹痛痧

痧毒入大小腸則小腹痛不止。形如板。推絞絞不  
已。治之。須分左右二股。屈伸為驗。

治驗

一盛成均子。小腹痛。每每左臥。左足不能屈伸。

太陽小腸經痧也。痧筋不現，用木通湯微冷服。四劑方見左腿灣，痧筋刺出紫黑毒血，二針用紅花湯冷下，痧退後調理而愈。

一范季廉小腹大痛，每每右臥，右足不能屈伸，陽明大腸經痧也。刺腿灣青筋四針，毒血成流，不愈用枳實大黃湯冷服，半夜痧退少安，後調理而愈。一鍾孟芳小腹大痛，放痧三次不愈，延余治之，脈數而疾，余曰：痧毒已攻壞臟腑矣，辭之半月而亡。

痧塊

痧毒留於氣分，成氣痞痛，留於血分，成血塊痛，壅於食積阻滯，成食積塊痛，蓋因刮痧放痧稍愈，痧毒未盡，不用藥以消之之故。施治之法，在氣分者用沉香砂仁之類治之，在血分者用桃仁紅花之類治之，食積阻滯者用藟子枳榔之類治之，或氣血二分俱有餘毒者，當兼治之。若更兼食積所阻，有餘毒者，當併合治之。

治驗

一王介甫內室腹痛放痧一次，忽左脇有塊，屢痛。

不止坐臥不安延余脈芤而沉微此毒留滯不行之故用蘇木散併三香散合桃仁紅花湯微溫服塊消痛減而痊

一陳奉山腹中絞痛放痧三次變右脇下塊大痛不止臥不能起延余脈沉實而弦緊此食積為患用阿魏丸併稜木湯加牛膝治之而痊

一夏少溪內室腹痛放痧稍愈左脇下變成塊痛口吐痰涎臥床不起延余脈沉而微滑用沉香阿魏丸加貝母白芥子治之而痊

一張弘先痧脹變為胸前左乳之上有一點痛之半年後吐血而殞

痧變吐血鼻衄便紅

痧毒冲心則昏迷痧毒冲肺則氣喘痰壅甚則鼻衄痧毒入肝則胸脇疼痛不能轉動甚則血湧由吐而出痧毒流於大腸則大便血流於膀胱則小便血治宜先清其痧毒之氣順其所出之路則氣自順而血自寧矣若不知治緊則變在頃刻遲則變成勞弱或時時便血溺血難愈

治驗

一孫盛元痧脹放痧不服藥變筋骨疼痛十日後吐血甚多疼痛不愈延余診其脈芤此痧氣已退尚存瘀血用桃仁紅花活血之劑四服而痊  
一潘國安痧脹鼻衄是痧氣由衄而泄用清涼至寶飲而痊

一周瑞亭子六歲痧痛大便紅延余令放痧服散痧消瘀活血之劑而痊

一何君叔女痧痛瀉血甚多延余令放痧不愈用

荆芥薄荷湯加益母金銀花牛膝連翹治之而痊

吐蛔瀉蛔痧

痧毒入胃胃必熱脹熱脹之極蛔不能存因而上湧乘吐而出或蛔結腹痛不大便或蛔入大腸由大便而出與傷寒吐蛔伏陰在內者不同治宜清其痧脹為主

治驗

一蔣公尚次女發熱心痛口多痰涎吐蛔二條延余右關沉細而疾餘脈洪數刮痧刺腿灣一針微

有紫黑血點服連翹薄荷飲三劑痧退服小柴胡湯身涼而愈

一沈存原痧脹吐不止延余脈洪而緊刮痧訖用藥加熟大黃一錢微冷飲之吐止脹消後二日復痧脹吐蛔一條脈復洪緊更用熟大黃一錢微冷飲之痧退而安

一湯仲文腹脹大痛延余診之脈散亂無根此蛔結也痧實始之放痧後用散痧去毒之劑加大黃二錢微冷飲之大便下死蛔二條併宿糞而愈

痧變腫毒

痧毒不盡留滯肌肉腠理之間即成腫毒宜先放痧用散痧解毒之藥以除其根然後審其毒之所發照十二經絡臟腑分陰陽寒熱處治輕則消之重則拓之虛則補之實則瀉之若紅腫甚者屬陽用忍冬解毒湯加引經藥以治之白色不紅平腫不易起發者屬陰用參歸化毒湯加引經藥以托之毒有半陰半陽用活絡透毒飲加引經藥透之穿破之後皆用神仙大乙膏貼之若腫毒無膿止有毒水流出或膿少

血多用飛龍奪命丹研碎些須填太乙膏中拔去毒  
水血膿後單用太乙膏貼之毒口難收用紅肉散搽  
之內黑者用代刀散以棉花絮微搽之即變紅色貼  
膏自愈

治驗

一姜雲衢徧身疼痛背發一毒黑爛痛苦求余視  
診之脈沉微指頭黑色而惡熱飲此痧變惡毒用  
冷圍藥而成背疽也令去其圍藥放痧訖俟痧氣  
已絕用參芪姜桂熟附子温托之外敷以代刀散

黑變紅色貼太乙膏而痊

一蘇成中長子暑月吐瀉腹中絞痛刮痧痛止兩  
臂紅腫且痒求余一方用香薷飲一劑而痊

一葛弘先內室痧痛不吐不瀉盤腸絞絞疼痛難  
忍放痧後頭頂生毒出膿而愈

一趙公琰寒熱頭眩心胸煩悶刮痧而愈肛門邊  
發餘毒出膿成漏為終身之疾

*[Faint bleed-through text from the reverse side of the page]*

玉衡備用要方

防風散痧湯 痧有因於風者此方主之

防風 陳皮 細辛 金銀花

荆芥 枳殼 等分

頭面腫 加薄荷 甘菊 腹脹 加大腹皮 厚朴

手足腫 加葳蕤 仙牛膝 內熱 加蓮翹 知母

痰多 加貝母 瓜蒌仁 寒熱 加柴胡 獨活

吐不止 加童便 小腹痛 加青皮

血滯 加茜草 丹參 咽喉腫 加山豆根 射干



食積腹痛加山查葡萄子心痛加玄胡索蓬木

赤白痢加枳榔口渴加花粉

面黑夫血瘀也加蘇木紅放痧不出倍細辛蘇木桃

穢觸加藿香薄荷

水二鍾煎七分稍冷服

荆芥湯 痧有鬱氣不通者此方主之

荆芥 防風各一錢川芎三分陳皮

青皮 連翹各八分

食不消加山查葡萄子心煩熱去川芎加黑山梔

有積加枳榔痰多加貝母白芥子

氣壅加烏藥香附血壅加菴仁紅花

鬱悶不舒加細辛食積加山稜蓬木

大便不通加枳實大黃暑熱加香薷紫朴

小便不通加木通澤瀉喉痛去川芎加薄荷射干

咳嗽加桑皮兜風

水二鍾煎七分稍冷服

陳皮厚朴湯 痧有因於氣阻者此方主之

陳皮 紫朴 山查 烏藥

青皮 等分

痰多加白芥子貝母 痧筋不現加細辛荆芥

血瘀加玄胡索香附桃 頭汗加枳實大黃

口渴加薄荷花粉

水二鍾煎七分稍冷服

稜木湯 痧有因於食積者此方主之

山稜 藟子 蓬木 青皮

烏藥 檳榔 枳實各一分

水二鍾煎七分稍冷服

藿香湯 痧有因於穢氣者此方主之

藿香 香附各四分 薄荷七分 枳殼

山查 連翹各一分

水二鍾煎七分冷服

薄荷湯 痧有因於暑者此方主之

薄荷 香薷 連翹各一分 紫朴

金銀花 木通各七分

水二鍾煎七分冷服

紫蘇厚朴湯 痧有暑脹不已者此方主之

紫蘇 香薷 紫朴 枳殼

紅花 青皮 陳皮 葡萄子

山查 等分

水二鍾煎七分冷服

防風勝金湯

痧有因於食積血滯者此方主之

防風 烏藥 玄胡索 桔梗

枳殼 各七 葡萄子 二錢 檳榔 金銀花

山查 連翹 赤芍 各一錢

水二鍾煎七分稍冷服

勝湯

痧有因於血實者此方主之

紅花 香附 各四分 桃仁 去皮尖 大黃

貝母 山查 赤芍 青皮

五靈脂 各一錢

水二鍾煎七分微溫服

紫朴湯

痧有食氣壅盛者此方主之

紫朴 山查 葡萄子 山稜

蓬朮 枳實 連翹 青皮

陳皮 細辛 等分

水二鍾煎七分稍冷服

獨活紅花湯 痧有因於血鬱者此方主之

獨活 紅花 桃仁去皮尖 蒲黃

玄胡索 白蒺藜炒為末 烏藥各一錢

香附三分 枳殼七分

水二鍾煎七分微溫服

射干兜苓湯 治痧似傷風咳嗽

射干 桑皮 兜苓 桔梗

薄荷 玄參 花粉 貝母

枳殼 甘菊 金銀花等分

水二鍾煎七分稍冷服 嗽甚加童便飲

當歸枳殼湯 此養血和中之劑

歸身 山查 枳殼 紅花

赤芍 青皮 茜草 連翹

丹參 續斷各一錢

水二鍾煎七分微溫服

荆芥銀花湯 此治血滯之劑

荆芥 紅花 茜草 丹皮

金銀花 赤芍 各一錢 香附 三分 烏藥 五分

白蒺藜 去刺搗末 八分

水二鍾煎七分微溫服

桃仁紅花湯 此治血結不散之劑

桃仁 去皮 紅花 蘇木 各一錢 青皮 八分

烏藥 四分 獨活 六分 白蒺藜 去刺搗末 一錢二分

水二鍾煎七分微溫服

清涼至寶飲 此清痧熱之劑

薄荷 地骨皮 丹皮 黑山梔

玄參 花粉 等分 細辛 倍加

水二鍾煎七分稍冷服

紅花湯 此治血痰之劑

紅花 蒲黃 青皮 各一錢 香附 四分

貝母 二分 枳殼 六分

水二鍾煎七分微溫服

如聖散 治痧咽喉腫痛此方主之

牛蒡子 蘇梗 薄荷 甘菊

金銀花 川貝母 連翹 枳殼 各一錢

桔梗 五分 烏藥 四分

水煎微温加童便冲服

寶花散 此治癩之仙劑

鬱金 一錢 凡方中用此味後 細辛 三兩

降香 三錢 荆芥 四錢

共為細末每服三匙清茶稍冷服

沉香鬱金散 此治癩氣寒凝之劑

沉香 二錢 木香 各一錢 烏藥 二錢

降香 二錢 細辛 五錢

共為細末每服三分砂仁湯稍冷服

圓紅散 治血鬱不散

沒藥 置箬內放瓦上炭火炙去油為末三錢 細辛 四錢

桃仁 去尖皮 玄胡索 三錢 白蒺藜 搗去刺各一兩

共為末每服一錢紫荆皮湯温服

化毒丹 治癩痰氣壅盛

金銀花 各一兩 薄荷 各一兩 細辛 各五錢 枳殼 各五錢

川貝母 二兩

共為細末每服六分細茶稍冷下

三香散

治過飲冷水痧不愈者

木香

沉香

檀香 等分

共為細末每服五分砂仁湯微冷下

三香丸

治過服冷水痞悶者

木香

沉香

檀香 各五錢 砂仁

藟子

各八錢 五靈脂 六錢

共末水發為丸微溫白湯下

救苦丹

此治痧氣鬱悶之劑

枳實

藟子 各一兩

鬱金 二錢 烏藥

連翹 各八錢

共末清茶稍冷下

冰硼散

治痧咽喉腫痛

硼砂

天竹黃 各二錢

硃砂 一分

玄明粉 八厘

冰片 二分

共末吹入喉中

牛黃丸

治痰涎喘急

胆星

天竹黃 各三錢

雄黃 五分

硃砂 五分

牛黃

麝香 各四分

共末甘草水爲丸如梧桐子大每服二九淡生薑湯稍冷下

細辛大黃丸

治痧大便乾結氣血不通煩悶壅

盛昏沉者

細辛

大黃

枳實

紫朴

麻仁

青皮

桃仁

去皮尖等分

共末水發爲丸每服一錢重者二錢再重三錢淡薑湯下稍冷服之

和脾寬化飲

治痧氣食結胸中飽悶腹內絞痛

此湯主之

廣皮

藟子

細辛

前胡

大腹皮

去黑鬚黑荳湯泡洗

麥芽

山查

二兩煎湯代水

先濃煎山查湯煎六味稍冷飲之

消疳解毒散

治痧後牙疳

人中白

三錢

兒茶

天花粉

官礪

青黛

水澄各一錢

薄荷

甘草

黃連

各五分

冰片

牛黃

珠子

各三分

雨前茶

五分



研細以無聲為度先用濃茶拭淨去其腐肉吹之

牛黃八寶丹 善化痧後諸般惡毒惡瘡此丹有

靈氣

雄黃者透明者 玄參各五錢 瓦上焙

羌活炒

川黃連土炒

羚羊角 犀角

川貝母炒淨

乳香出汗盡 沒藥各三錢

琥珀 青黛水澄各二錢

珍珠四分

硼砂水飛五錢 牛黃

冰片各一分

右十五味如法製為細末聽用外將揀淨金銀

花二兩 甘菊 一兩 甘草 五錢 胡桃肉 二兩 紫花

地丁 一兩 長流水五碗砂鍋內慢火煎至及半

取汁將渣絞乾以綿濾清桑柴火熬膏入煉熟

老蜜蓋許再熬至粘筋將前末和丸每丸二分

年幼者一九年長者二丸每日蜜調服

活絡透毒飲 治痧後熱毒流連餘毒在所不免

却不易來者以此湯預活之

羌活

紅花

荆芥

牛蒡子

木通

當歸

牛膝

蟬蛻

青皮

連翹

等分

水煎温服

忍冬解毒湯

治痧後餘毒竊發者以此消之

金銀花

土貝母

甘菊

荆芥穗

牛蒡子

紅花

甘草

木通

連翹

紫花地丁

等分

胡桃肉

一枚

水煎温服

撥雲散

治痧後餘毒在肝兩目通紅甚至起障

生醫者以此散主之

生地

黃連

木通

荆芥穗

穀精草

甘草

赤芍

羚羊角

大黃

二分至六分

木賊草

甘菊

羌活

金銀花

望月砂

加燈心白芙蓉葉水煎温服

賽金化毒散

治痧後熱毒流連疼痛不已發癰

發疔者

乳香

沒藥

各出

川貝母

去心炒

雄黃 黃連

天花粉 各一錢

大黃 二錢半 炒半晒

甘草 七分 赤芍 二錢 炒

牛黃 二分 冰片 分半

珠子 四分 研細 無聲為度

其為極細末用蜜湯調服

加味活命飲

治一切痧後留滯熱毒發為腫毒

疔疽以此方消之

穿山甲 土炒

金銀花 大黃 各三錢

歸尾 陳皮 各一錢 五分

花粉

薄荷

赤芍

甘草節

生地

白芷

防風

貝母

乳香 各錢

皂角刺 五分

沒藥 五分

毒在背 加皂刺一錢五分

毒在面 加白芷一錢五分

毒在胸 加瓜蒌仁一錢

毒在頭面手足 加金銀花五錢

水二大鍾煎八分空心服忌醋併諸毒物大

人切禁房事

參歸化毒湯

治痧後餘毒流連氣血虛不能即

潰以此化毒托出之

人參

當歸

黃芪

甘草

金銀花 牛膝 紅花 貝母

山查 皂角刺 白芷 等分

水二鍾加胡桃肉一個煎七分空心溫服

奏凱和解飲 亦退之後調理和解者此湯主之

金銀花 土貝母 牛蒡子 山藥

白扁荳 山查 荆芥 當歸 各一錢

人參 四分 甘草 三分

水二鍾加核桃肉一個蓮肉六粒煎七分空心溫服

參苓歸朮散 痧退之後痧氣已絕氣血虛弱者

以此補之

人參 白茯苓 當歸 白朮

白芍藥 陳皮 黃芪 川芎

熟地黃 甘草

水煎空心溫服

沉香丸 治痧氣惡胸腹脹痛迷悶昏沉

沉香 檳榔 各五錢 藟子 枳實

厚朴 各七錢 山稜 蓬朮 廣皮

天仙子 即朱蓼子 各六錢 白豆仁 烏藥 各四錢

木香 三錢 薑黃 五錢

水發為丸如棗荳大每服三十丸砂仁湯稍冷下

沉香阿魏丸 治痰氣壅血阻昏迷不醒偏身沉

重不能轉側

五靈脂 各一兩 廣皮 各一兩 青皮 天仙子

薑黃 蓬朮 山稜 各七錢 枳實 六錢

白豆仁 烏藥 各五錢 木香 沉香 各一錢

阿魏 一錢 如前溫冷湯下

丁香阿魏丸 治痧食積成塊痛而不已推上移下日夕叫喊病久不愈者

葡萄子 五靈脂 查肉 神麴

青皮 枳實 各一兩 蓬朮 厚朴 各八錢

山稜 枳實 各七錢 白豆仁 烏藥

薑黃 各五錢 木香 沉香 各三錢 阿魏 二錢

丁香 一錢

水發為丸如棗荳大每服十丸紫荊皮溫湯下

阿魏丸

治食積壅阻，痧毒氣滯，血凝疼痛難忍。

頭面黑色，手足俱腫，胸腹脹悶。

玄胡索 蘇木 五靈脂 天仙子 各一兩

蓬朮 廣皮 枳實 山稜

厚朴 檳榔 薑黃 各七錢 烏藥 五錢

降香 沉香 各三錢 阿魏 二錢 香附 四錢

荀子 一兩

水發為丸，如菜菔大，每服十五丸，砂仁湯稍冷下。

蘇木散

治痧毒血凝成塊，堅硬突起不移者。

蘇木 二兩 白蒺藜 搗去刺

玄胡索 桃仁 去皮尖 各一兩 獨活 三錢

五靈脂 七錢 降香 薑黃

赤芍藥 各六錢 大黃 五錢 烏藥

山稜 蓬朮 陳皮 青皮

皂角刺 香附 酒炒 各四錢

共為細末，每服二錢，溫酒下。

蒺藜散

治食積瘀血，痧毒凝滯成塊，日久不愈。

者

白茯苓 搗去刺

澤蘭

薑黃

荀子

茜草

土貝母 淨各

玄胡索 各一兩

板柳 七錢

金銀花 八錢

烏藥

青皮 各六分

桃仁 去皮尖

共末每服一錢溫酒下

探吐法

用鹽湯或礬湯稍冷服令吐去新食以

解痧毒所阻必須多飲則吐

當歸枳殼湯

消食順氣和血之劑

歸尾

枳殼

赤芍

山查

荀子 各二錢 紫朴 八分

水煎微冷服

清氣化痰飲

治痧痰氣壅塞之劑

貝母 一錢 薑黃 一錢 細辛

橘紅 各八分

青皮 各七分 荆芥 六分 烏藥 五分

水煎冲砂仁末五分微冷服

蒲黃飲

治痧毒散痧引火下行之劑

牛膝 三錢

獨活

枳殼

連翹

桃仁 去皮

澤蘭

赤芍

山查

薑黃

蒲黃 各一錢

水煎微冷服

烏藥順氣湯

治痧氣內攻之劑

山稜

蓬木

藟子

白芥子

玄胡索 各一錢

枳殼

青皮

烏藥 各一分

紅花 七分

香附 四分

水煎稍冷服

降香桃花散

治痧毒中腎之劑

降香 五錢

牛膝 二兩

桃花

紅花

大紅鳳仙花 各七錢

白蒺藜 一兩

共末黑砂糖調童便衝服

不通湯

治痧毒結于膀胱之劑

牛膝 三錢

丹皮 細辛

連翹

金銀花

澤蘭

白芨

蒲黃

木通

玄胡索 各一錢

水煎加童便微溫服



枳實大黃湯 治癩毒結於大腸之劑

赤芍 青皮 枳實 桃仁去皮尖

金銀花 槐花 黃芩酒炒 大麻仁

連翹各一錢 大黃三錢

水煎微溫服

荆芥薄荷湯 治癩氣血阻塞之劑

白蒺藜搗去刺為末 荆芥炒黑 赤芍

薄荷 青皮 陳皮等分

水煎微冷服

連翹薄荷飲 治癩食積氣阻之劑

香附 葛子 檳榔 山查

陳皮 連翹 薄荷等分 木香二分

水煎加砂仁五分稍冷服

失笑散 治癩後毒氣退盡尚留瘀血在胸膈間

積血作痛

蒲黃 五靈脂等分

共為末每服一錢溫酒下

便用七方

一方 用井水河水各一半同服治痧痛

一方 用泥漿水服之治痧痛

一方 用白沙糖攪梅水服治痧痛

一方 用細辛為末同砂仁湯冷服治痧痛

一方 用晚蠶沙為末白滾湯冷服治痧痛

已上五方治痧症無食積阻滯者

一方 用明礬四分白湯一碗冷服治痧痛

一方 用食鹽一撮白湯一碗冷服治痧痛

已上三方乃吐新食阻痧毒之味必多飲方中

少則不效

絕痧方

治數患痧症必痧症已愈然後可服以

絕其根否則稍有痧氣未除斷不可服恐甘者

作脹熱者助和反害之矣

甘草 明礬 食鹽 各一川島 一錢

乾薑 三錢

其為細末米飯搗為丸每服五分白湯溫下新

犯痧者一二服即愈久犯痧者十服全愈不復

發矣蓋用甘草以助胃用乾薑川島以充胃用

明礬以解毒用食鹽以斷痧誠為良方但烏薑性熱恐人有宜有不宜故每服止用五分為則惟取其能絕痧根焉爾若人屬虛寒者必加倍多服方能有效

藥性便覽

荆芥

透肌解表散痧毒痧筋隱隱不發者非此不現用四分至八分止

防風

透肌發表為臣使之助寒熱往來痧毒壅滯鬱遏不發者非此不清用二分至七分

羌活

痧症忌其發表太過若頭痛或又因受寒而起更兼痧症欲用之引太陽經止許用

連翹

消痧毒解諸經火邪清熱而不滯治痧之要藥也用七分至一錢

陳皮青皮

陳行痧氣青伐肝氣痧氣壅阻鬱結不行者非此不利用六分至一錢

枳殼枳實

破痧氣驅毒氣除脹氣下食氣積滯

止

藥用玉衡書

壅塞者非此不開但枳殼性緩枳實

性速各有所宜用五分至一錢五分

桃仁 破瘀活血痧為血阻非此不流痧為血滯

非此不順去皮而用為皮味澁而阻血路

也用七分至一錢六分

秦艽 活血驅風消痧毒筋骨疼痛壯熱不清者

非此不解用三分至六分

川芎 上行頭目頭角骨痛者必需下通血海肝

臟不華者當用用一分至三分止恐提痧

氣上騰也

桔梗 入肺經為諸藥之舟楫其性上而復下故

能引枳殼破胸中至高之氣用六分至八

分

香附 行血中之氣恐其香燥須用便製欲其行

血必要酒炒取其斂血在乎醋炒用三分

至八分

木香 行滯氣燥濕氣驅寒氣開鬱氣散結氣痧

後腹痛不解者此要藥也用一分至三分

止

檀香 痧後心腹疼痛不休胸脇脹悶寒凝氣滯得此而抒若痧之始發當知忌用用一分至三分

砂仁 順氣開鬱散痧消食此始終可用之要藥也用三分至一錢

穿山甲 土炒為末透痧消痰破痧托毒善走經絡之神劑也故經絡有諸藥所不到者非此不達用一分至五分

薑便 解痧毒消痰降火最速定痛治血痢痢下

血水諸藥莫及

天蟲 能治血分之痰佐山甲透經絡以破痧毒

用須炒末自一分至二分

烏藥 善行周身之氣凡痧氣阻滯者得此無處

不到用三分至五分

紅花金銀花茜草 活血解痧毒用六分至一錢

山查葛子麥芽神麴 痧為食壅取其善消而不

暴也

大黃 大便不通癰氣閉塞非此不能攻而下之

用五分至一錢五分

木通車前澤瀉 癰氣鬱阻小便不利在所當求

若熱鬱太重不因小水更在所

禁用二分至五分

黃連黃芩 冷性凝滯癰中忌用須酒炒或薑

汁製

生地 涼血血瘀者非其所宜

熟地白芍 補血斂血癰所大忌

參芪白朮山藥 用之恐補毒氣癰所大禁

甘草 用之恐成癰塊難治在所忌用

白茯苓 恐其滲濕實其癰氣俱在禁例

細辛 透竅破血散癰之要藥也用七分至一錢

薑黃 其性雖溫善能消痰下氣破惡血用一分

至四分

貝母 川者專消熱痰土者兼破瘀血用一錢至

一錢五分

白芥子 脇下之痰非此不達用四分至六分

半夏白芷蒼木

性燥忌用

竹瀝

性寒忌用須薑汁方走經絡

雄黃牛黃膽星天竹黃

消痰丸中宜用

麝香

開竅散痧功亦甚大

當歸

頭身尾各有所宜用須斟酌

柴胡

和解表裏專治少陽膽經寒熱往來用六

分至一錢

乾葛

散陽明胃經之邪兼能解渴用六分至八

分

前胡

疏風消痰治嗽表熱者宜用用六分至八

分

桑皮

治嗽瀉肺用四分至八分

兜苓

瀉肺嗽用三分至五分

杏仁

瀉肺潤腸胃利氣消痰涎去皮尖用用四

分至一錢

麥冬天冬

潤肺消痰一治其本一治其標去心

用之用七分至一錢五分

山稜蓬朮

食積心痰痧毒阻滯痞悶者宜用六

分至八分

五靈脂

善消宿血，血塊凝滯不散，非此不破用。

五分至八分

龜甲

去兩肋酥炙為末，破宿血，勝於靈脂。在胸者，用上半截；在下者，用下半截。

蘇木

敗惡血，新瘀者，莫及用。五分至一錢五分。活血行氣，氣血凝滯作痛，用五分至一

玄胡索

錢五分

香薷

通大便，微下利水氣，治暑氣之要藥，用五分

至一錢

紫朴

寬中治嘔，消痰下氣，用六分至八分。

牛膝

活血引痧氣，下行用八分至二錢。

木瓜 五味子

酸斂忌用

升麻

禁用，恐提痧氣上升而難遏也。

肉桂 附子 吳茱萸

禁用，恐助痧毒，立刻有變也。

乾薑

過服寒冷之水，宜少用之，善散寒氣也。若用之不當，亦能助熱毒，當忌。

麻黃

發表太過，禁用。



薄荷

辛涼利竅消腫解毒清氣清喉用五分至

一錢

紫蘇

疏風順氣身熱當用三分至六分

明礬

解痧毒消痰定痛用之探吐宿食甚妙

玄參

清氣消痰滋陰潤肺但色黑止血痧有痧

血忌用

花粉

性沉寒止渴痧毒未清者忌用恐凝滯痧

氣也

角刺

透毒能引諸藥至於痧毒血痧之所立奏

其功

小麥子

解痧毒清喉痧中要藥用七分至一錢

乳香

消痧血而不傷新血痧症用之以治血結

用五分至一錢

黑砂糖

活痧血解痧毒故痧血作痛者得此則

安

沒藥

痧痛用之破痧血用四分至一錢

食鹽

解痧毒定痛用之吐去新食

手芳

治痧熱解毒有痧患者食之甘美

晚蠶沙

解癩毒治熱

阿魏

破積聚逐惡血其功甚大

大麻仁

潤大腸腸胃燥結者宜用

其中分數如遇西北強壯人當加一二三倍不可執一

癩方餘議

鬱金價貴時有換之以薑黃者其一味溫涼之性雖有不同然以之治癩下氣消癩薑黃未為無效若欲入心經散鬱消癩則癩毒攻心者非鬱金不能

立奏其功薑黃有所不及故方中所載鬱金切勿以薑黃代之

穿山甲土炒用凡癩毒癩血壅塞阻而不通得此透入經絡引諸藥所不能到者即到所犯經絡血分之所識者其留意焉

黑丑通上徹下癩毒脹滿必須用此於凡散中救入立功凡破氣之味俱莫能及但耗散真氣恐人有宜有不宜故方中不載

大黃治食積阻癩毒余為丸以備急用其功莫大若

痧脹之極必須急服此以攻之恐病有宜有不宜故方中雖載不及細加惟審病症緩急輕重而行之  
丑黃等分粥丸三分稍冷湯下

評半夏藿香止吐

凡治吐症用半夏藿香獨痧症作吐半夏性燥須防益助火邪斷不可用若藿香惟取其正氣以治穢觸然亦必痧毒無阻乃可俟冷飲之倘或痧氣有害於中驟用此以止吐反有閉門逐盜之憂如腸胃中有食積血瘀留滯痧毒用藿香香燥止吐適長其毒是

痧症忌

下通痧毒其吐自止

評荆芥細辛防風獨活

痧症寒熱不由外感往往毒從鼻吸而入搏激肌表羌活麻黃俱在所禁若用荆芥細辛善能透竅蓋惡毒之氣由竅而入故用之以治痧脹亦由竅而泄若防風乃臣使之味僅取為透竅之佐不比麻黃羌活專主發表反有升宣火毒之慮也至如獨活發散治熱其性至頸而還力不能過發且可活血解痧毒是痧症最要之味與

明醫心法卷之四念一夜一讀了

白峯直

